

馮氏錦囊秘錄
卷四
五頁

23
37430



卷四 木部 計共十七種內有痘疹主治合參者三十八種

卷五 石部 計共五十八種內有痘疹主治合參者一十二種

馮氏錦囊秘錄 卷四



馮氏錦囊秘錄雜症痘疹藥性主治合參卷五

增孫昌緒龍媒

海鹽馮兆張楚瞻甫纂輯

門人謝立相帝臣全較

男 乾吉佑民

木部

○○○肉桂

稟天地之陽兼得乎土金之氣故味甘辛其氣大熱有小毒木之補湯者也氣之薄者桂枝也

氣薄則發泄故桂枝上行而發表氣之厚者肉桂也氣厚則發熱故肉桂下行而補腎此天地親上

親下之道也甘辛大熱所以益陽甘入血分辛能橫走熱則通行所以湯血脈補命門理心腹之疾

受寒霍亂轉筋補氣脈之虛勞倦內傷不足煖腰膝強筋破癰瘕止痛祛風痺骨節疼痛除腹內沉

寒癰疾逐榮衛風寒療九種心痛通月閉經瘀竹楚催難產胞衣不下但陽盛陰虛者忌之。宜擇

馮氏錦囊秘錄

肉桂



形捲如筒肉色紫潤其味甜極而兼辛者佳臨用
去皮切礫否則氣味走失功效便差并忌火焙蓋
諸香見火則無功耳產於現濱故名現桂名桂必
者美之詞取去盡粗皮近裏之極紫極甜者是
也如入補藥藉其鼓舞藥性者則入藥同煎如
仗其行血走竄者則羣藥煎好方入煎一二沸服
肉桂能墮胎通血脉下焦寒冷秋冬腹疼泄賁脉
溫經煖臟破血通經救元陽之病冷扶脾胃之虛寒
骨壯陽道溫行百藥腰疼脇痛必需和血逐瘀痛氣消癰
並捷宜氣血而無壅利關節而有靈扞癰疽痘毒能引血
成膿辛能散風甘能和血溫能行氣香能走竄百脉言乎
用者以木得桂而枯之義也氣厚則發熱入肝走腎專補
命門真火不足而導火歸源也故曰桂者圭也引導陽氣

如執圭以使至於臨產用以催生須臾如手排下者亦補
火入肝走腎之力也其春夏禁服秋冬宜煎者言其常也
舍時從症者處其變也至於瘧疾人發寒熱不已用上好
刮肉桂去盡粗皮錢餘瘧將發時預口中噙之則寒退熱
滅神爽思食而愈可見其補真火散陰寒之神功矣桂
枝味薄體輕上行頭目橫行手臂調榮衛和肌表止煩出
汗疎邪散風內理心腹之痛外解皮膚之寒直行而爲奔
豚之向导以經走膀胱也有汗能止無汗能發者以其能
調和榮衛邪不容而開闔得也麻黃桂枝本皆辛甘發散
但麻黃遍徹皮毛耑於發汗而寒雅散桂枝調和榮衛善

於解肌而風邪散所謂氣薄則發泄是也

主治痘疹能和榮衛以固肌表却風邪而實腠裏氣虛之

痘賴以鼓舞藥性上行通調百脉引參耆以達肌表托痘

毒癰疽能引血成膿制肝補脾調和氣血凡泄瀉寒戰痘

白虛寒者並宜如實熱痘症并痘後作癢皆不可用也

桂枝氣薄上行而發夫又能橫行手臂凡初起重感風寒

并在秋冬之時及手足瘡不起發者宜用若痰多咳咽

疼音啞血燥血熱及血崩孕婦並宜禁之

張按桂附二味雖俱辛熱補陽然古哲立方有二味並

用者有用桂不用附者有用附不用桂者確有成見針

線相對毫難互借混投今人勿究其微但以其性辛溫
或桂或附任意取用殊不知肉桂味甘而辛氣香而
可上可下可橫可直可表可裏可補可瀉善通百脉和
暢諸經鼓舞氣血故健行流走之效雖捷但性專走洩
而溫中救裏之力難長未免進亦銳退亦速也至於附
子氣味大辛微兼甘苦氣厚味薄降多升少從上直下
走而不守其救裏回陽之功及引火藏源之力溫經達
絡之能是其所長非若肉桂辛甘輕揚之性復能橫行
達表走竄百脉也一則味辛而兼微苦所以功專達下
走裏以救陰中之陽爲先天眞陰眞陽之藥也一則味

甘而兼辛所以既補命門復能竄上達表以救陽中之
陽更爲後天氣血榮衛分之需也故純以大溫峻補中
氣真陰真陽救裏爲事者或二味並投或君以參木佐
以附子爲用如八味丸桂附並需參附湯木附湯理中
湯之類勿用肉桂是也如欲溫中兼以調和氣血走竄
外達顧表爲事者則以倍補氣血之藥爲君而單以肉
桂一味爲佐使如參耆飲十全大補湯人參養榮湯之
類勿用附子是也如是則表裏陰陽輕重之義昭然矣
豈容混投假借乎

○○○白茯苓生於古松之下感土木之氣而成故味甘淡性平無毒入手足少陰手太陽足太陰陽明

經陽中之陰也。甘能補中，淡能利竅。故為滲濕扶脾，解熱散結，利水補中。之要藥。入脾，腎功多如。入補脾藥中，宜不製者，方得淡滲之功。若人精陰。葉中宜人乳拌晒以減淡滲之勢。茯神抱木而。生有依守之義，故入心經為安神益智健忘却。驚之需，其心木名黃松節治傷風口而嚼新毒風。筋攣不語心神驚舉虛而健忘。

其所主與茯苓大同小異耳。

白茯苓主胸脇逆氣，膈中痰水，憂恚驚恐，寒熱煩滿，心下

結痛，咳逆，舌乾，水腫，淋結，五勞七傷，安胎，氣煖，腰膝生津。

液健脾，歐痰火，益肺利血，滲濕安魂，却驚開胃，厚腸上以

滲脾肺之濕，下以伐肝腎之邪，故為利水燂濕之要藥。入

四君則佐參朮以滲脾家之濕，入六味則使澤瀉以行腎

邪之餘。赤入心脾小腸，嵩功瀉熱利水，白者兼補赤者

馬氏補遺必錄 藥性部 卷四 白茯苓 茯神 琥珀

專瀉白者入壬癸赤者之端丁 茯神耑補心經主恍惚

驚悸悲怒健忘璧今赤以心智安魂魄養精神蓋假松之

氣而津盛發洩於外以成者為茯苓其內守抱根而生者

為茯神有依附之義為收斂神氣之用取靜而能安也

茯苓皮本性淡而能滲濕色黑而象水故入五皮湯中以

為利水消腫之劑 琥珀亦松液精華凝結地中千年而

成象故生於陽而成於陰也屬陽與金色赤味甘肝心脾

小腸血分之藥本性燥而滲濕故亦和水辛溫而色赤故

能消痰食稟欒瀼故能長肌成於坤靜故能定魄

主治 痘疹 茯苓 利水除濕益氣和中木為扶脾養胃之藥

但多淡滲走利之功。故於痘瘡灌漿時忌服。恐令水氣下行。外不行。漿內防發。渴惟泄瀉者。水泡者。及收靨時並服之。赤者。惟利水瀉熱而不補。如小便多。及汗多。陰虛者。所當忌也。

按茯苓假土之精氣。松之餘氣而成。無中生有。得地厚之精。爲脾家之要藥。素問曰。飲入於胃。遊溢精氣。上輸於肺。通調水道。下輸膀胱。則利水之藥。皆上行而後下降也。潔古謂其上升。東垣謂其下降。各不相背也。但小便頻多。其源甚異。經云。肺氣盛則便數。虛則小便遺。心虛則少氣遺溺。下焦虛則遺溺。胞絡遺熱於膀胱。則遺

溺膀胱不約為遺厥陰病則遺溺所謂肺氣盛者實熱也宜茯苓以滲其熱故曰小便多者能止也若肺虛心虛胞絡熱厥陰病皆虛火也必上熱下寒所當升陽勝膀胱不約下焦虛者乃火投於水水泉不藏必肢冷脉遲當用溫熱皆非茯苓可治故曰陰虛者不宜用也神抱根而生有依守之義故魂不守舍者用以安之赤者用丙丁但主導赤而已

○積實

味苦辛酸微寒無毒實穀大畧相同但實氣全性烈故善達下入足陽明太陰經如少年悍猛之性勇往直前而一無回顧者也穀氣散性緩故行稍遲是以能入胃膈肺胃之分又入大腸者因肺臟以及腑也其性其用皆散結去滯利氣之功

枳實實小性酷而速治下主血凡心腹痞滿脹悶宿食堅
積稠痰積血有疏通破結之功倒壁衝墻之捷同白木治
虛痞然性暴力猛無宿滯堅積者勿輕用之以傷元氣
主治痘疹宜麩炒治初發熱胸膈有痰癖宿食脹滿脾經
積血不得已暫用之以安胃氣凡痘中無故及釀漿之時
皆不可用

○ 枳殼

枳殼殼大性緩治高主氣主風癢麻痺咳嗽風痰胸膈痞
滿肺氣滯結兩脇虛脹發疹肌表遍身苦癢更逐水飲停
留開節並利破痰癖積聚宿食亦推同甘草瘦胎和黃連

滅痔能損至高之氣。忌接迹服。多虛快勞傷。尤禁葢若泄。辛散惟利肺氣之有餘。寬大腸之壅滯。故腸風用之。

主治 痘疹合泰宜。麤炒用利五臟走大腸。泄肺氣。寬胸膈。治通。

身風疹皮膚中如麻痘苦痒。凡痘初發熱胸膈不利。有宿食有滯氣及熱盛氣粗者。俱可暫用多服。則損中氣。

按枳殼枳實。上世未嘗分別。自東垣分枳殼治高枳實。治下海藏分枳殼主氣枳實主血。然究其功用。皆利氣也。氣利則痰消積化矣。人之一身。自飛白以至魄門。三焦相通一氣而已。又何必分上與下氣與血乎。但枳實性急。枳殼性緩。為確當耳。然中氣壯實。偶因倍食難消。



假此助脾尅化則可若困中氣不足脾虛不能運化者則愈消而脾愈虛及氣虛痞滿誤投尅伐則無形之氣受傷不惟壅滯更甚而且變生別症至於癰疽飲君以穀穀因治湖陽公主難產得名然在奉養太過北方氣實者或有相宜否則損害真元胎子無力反致難產矣况脾胃者乃化生之父母一身之牆壁能經幾番推倒乎上古傷於六淫者多或堪抵受近世稟受既虧七情彌害虛痞虛脹比比皆然誤投尅削爲害益甚可不慎歟

○厚朴

稟地二之氣以生兼得乎春陽之氣而成故味苦辛氣溫無毒入足太陰手足陽明經辛能散

結苦能洩熱溫能散
寒色紫味辛者良

厚朴消痰下氣寬中腹痛脹滿散結之要藥主中風寒熱
霍亂轉筋溫中平胃消痰化食去水破血胃疼腹痛嘔逆
吐酸瀉痢淋露去三蟲散濕除熱同解利藥用則治傷寒
頭疼同洩利藥用則厚腸胃孕婦少服以其苦溫辛熱恐
損胎元耳惟客寒犯胃濕氣侵脾者宜之

主治痘疹溫中益氣厚腸胃走冷氣消宿食健胃寬中嘔

逆泄瀉飲食不進腹痛脹滿散結之神藥凡痘瘡傷胃腹

脹等症可用若脾陰不足脾氣有虛者忌之

按厚朴苦能下氣走而不守大損真氣故虛人孕婦服

之雖一時未見其害而清純冲和之氣潛侵默耗矣並所忌耳。

○桑白皮

得土金之氣故味甘兼辛氣寒無毒入手太陰經甘以固元氣而補不足辛以瀉肺和之

有餘凡肺中水氣火氣痰喘嗽唾血咸切除之且甘寒補益善縫金瘡傷損立愈葉味甘氣寒相合故涼血下氣益陰虛寒熱其性兼燥故除脚氣水腫原稟金氣經霜則更得天地之清氣故能去風明目宜東行深土者佳出土上者殺故人入清熱疎散宜生用入補肺藥宜蜜水拌炒用

桑白皮

入太陰肺臟甘助元氣而補勞怯虛羸辛瀉火邪

而止喘嗽唾血利水消腫解渴毆痰大抵瀉有餘此其長

補不足此其短所以有性不純良不宜多服之戒肺虛而

小便利者尤忌之有以桑皮為服中之氣藥紫苑為肺中

馬氏錦囊必錄藥部

卷四

厚朴

桑白皮